

პროფესიული მომზადებისა და პროფესიული გადამზადების პროგრამების კატალოგი

პროფესიული მომზადების პროგრამა „ალუმინისა და მეტალოპლასტმასის კარების, ფანჯრების, მზის დამცავი სისტემების მონტაჟი“
ეროვნული კვალიფიკაციების ჩარჩოს დონე: მე-3
პროგრამის ხანგრძლივობა კვირებში: 10 კვირა
კვირეული სასწავლო საათობრივი დატვირთვა: სულ: 123 სთ; კვირაში - 12 საათი, მე-5 კვირა - 15 საათი.
მსმენელთა რაოდენობა ჯგუფში: მინიმალური 5 მაქსიმალური 10
პროგრამაზე დაშვების წინაპირობები: საბაზო განათლება; გასაუბრება; არანაკლებ 18 წელი.
<p>პროგრამის მიზნები: პროგრამის მიზანია, მოამზადოს შესაბამისი კომპეტენციის მქონე კადრი, რომელიც შეძლებს ალუმინისა და მეტალოპლასტმასის კარების, ფანჯრების, მზის დამცავი სისტემების კონსტრუქციის ტიპების და მონტაჟისთვის გამოყენებული მასალებისა და მოწყობილობების, ასევე სამონტაჟო სამუშაოების ჩატარების წესების აღწერა-დახასიათებას, მონტაჟისთვის საჭირო ნახაზის/სქემის წაკითხვას, უსაფრთხოების წესების დაცვით ალუმინისა და მეტალოპლასტმასის კარების, ფანჯრების, მზის დამცავი სისტემების მონტაჟს; შესრულებული სამუშაოს ხარისხის შემოწმებას, ხარვეზების გამოსწორებას, წარმოქმნილი ნარჩენების უტილიზაციას.</p> <p>პროგრამის შემუშავების საფუძველი: პროფესიული საგანმანათლებლო პროგრამის ჩარჩო დოკუმენტი - მშენებლობის წარმოება / Construction Manufacturing - 07320-3</p> <p>პროგრამის მოკლე აღწერა: პროგრამა საშუალებას აძლევს პირებს, რომლებიც აღნიშნულ პროგრამაზე ისწავლიან, გაეცნონ ალუმინისა და მეტალოპლასტმასის კარების, ფანჯრების, მზის დამცავი სისტემების კონსტრუქციის ტიპებსა და მონტაჟისთვის გამოყენებულ მასალებსა და მოწყობილობებს, სამონტაჟო სამუშაოების ჩატარების წესებს, შეძლონ სამონტაჟო ნახაზის წაკითხვა, მონტაჟის განხორციელებისთვის საჭირო მოსამზადებელი სამუშაოების ჩატარება, უსაფრთხოების წესების დაცვით დაამონტაჟონ ალუმინისა და მეტალოპლასტმასის კარები, ფანჯრები და მზის დამცავი სისტემები, შეამოწმონ შესრულებული სამუშაოს ხარისხი, გამოასწორონ ხარვეზები და განხორციელონ წარმოქმნილი ნარჩენების უტილიზაცია. პროგრამის ხანგრძლივობა შეადგენს 10 კვირას, კვირაში - 12 საათი, აქედან მე-5 კვირა - 15 საათი, სულ 123 საათი. სწავლა განხორციელდება, როგორც კოლეჯის კეთილმოწყობილ აუდიტორიასა და სასწავლო სახელოსნოში, ასევე რეალურ გარემოში - კომპანია „დიო“-ში.</p> <p>პროგრამით გათვალისწინებულია როგორც თეორიული ცოდნის შეძენა, ასევე პრაქტიკული უნარების განვითარება, თუმცა, ძირითადი აქცენტი პრაქტიკულ სწავლებაზეა გაკეთებული. სწავლება კომპანია „დიოში“ და სსიპ - კოლეჯ „გლდანის პროფესიული მომზადების ცენტრის“ კეთილმოწყობილ გარემოში ჩატარდება. სწავლება ინტერაქტიული ფორმით წარიმართება, ფართოდ იქნება გამოყენებული პრეზენტაციები, ვიდეოჩვენება, სასწავლო მასალების დემონსტრირება და სხვა.</p> <p>პროგრამის მსმენელების შეფასებისთვის გამოიყენება: ტესტები, ზეპირი გამოკითხვა, პრაქტიკული დავალებები, შემთხვევების ანალიზი, მსმენელების მიერ შესრულებულ სამუშაოზე დაკვირვება. მიმდინარე (განმავითარებელი შეფასება) პრაქტიკულად ყოველ მეცადინეობაზე განხორციელდება, განმსაზღვრელი შეფასება (გამოცდა) ჩატარდება სწავლის ბოლოს, რომლის დროსაც შეფასდება მსმენელების თეორიული ცოდნა და პრაქტიკული უნარები.</p> <p>პროგრამის დასრულების შემდეგ მსმენელებს გადაეცემათ სახელმწიფოს მიერ აღიარებული სერტიფიკატი.</p> <p>პროგრამის გავლის შედეგად მიღებული ცოდნა და უნარები ხელს შეუწყობს კურსდამთავრებულების დასაქმებას ნებისმიერ კომპანიაში, სადაც საჭიროა ალუმინისა და მეტალოპლასტმასის კარების, ფანჯრების, მზის დამცავი სისტემების მონტაჟი, ასევე მათ შეუძლიათ თვითდასაქმდნენ.</p>